





第一三六五册

四庫全書

● 上海古籍出版社

本冊目次

河汾諸老詩集	谷	二	唐詩鼓吹	附中州樂府	中州集
	音	妙集	吹	府	集

元房祺編……………六一三	元杜本輯……………五九三	金段克己撰……………五二三	元郝天挺註……………三七九	金元好問編……………一
--------------	--------------	---------------	---------------	-------------

欽定四庫全書

集部
中州集卷一

欽定四庫全書

集部八

中州集

總集類

提要

欽定四庫全書

中州集
提要

臣等謹案中州集十卷附中州樂府一卷金元好問編好問有續夷堅志已著錄是集錄金一代之詩首錄顯宗二首章宗一首不入卷數其餘分為十集以十千紀之辛集目錄旁註別起二字其人亦復始於金初似乎七卷以前為正集七卷以後為續集也壬集自馬彥之下別標諸相一門列劉豫等十六人狀元一門列鄭子聃等八人異人一門列王中立等四人隱德一門列薛繼先宋可張潛曹珏四人詩而獨標繼先名疑傳寫脫癸集列知已三人曰辛愿李汾李獻甫南冠五人曰司馬朴滕茂實何宏中姚孝錫朱弁而附見宋遺民趙滋及好問父兄詩於末前有

詳校官中書臣呂光復

助教臣常徇履勘

總校官編修臣王燕緒

校對官學正臣翁樹棠

滕錄監生臣周學湛

好問自叙稱魏明作百家詩略商衡為附益之好問又增以已之所錄以成是編序作於癸巳蓋哀宗天興二年也其例每人各為小傳詳具始末兼評其詩或一傳而附見數人如乙集張子羽下附載僧可道鮮于可高鶚王景徽吳演之類或附載他文如丙集懷英下附載珠永治詔書之類或兼他事如乙集祝簡下附載所論王洙不註杜詩之類大致主於借詩以存史故旁見側出不主一格至壬集賈益謙條下述其言世宗大定三十年中能暴海陵摯惡者得美仕史官修實錄誣其淫毒狠鷙遺臭無窮自今觀之百無一信又稱衛王勤儉慎惜名器較其行事中材不能及者多如斯之類尤足存一代之公論王士禎池北偶談嘗論其記蔡松年事不免曲筆然亦白璧之瑕不足以累全體矣惟

大書劉豫國號年號頗乖史法然豫之立國實金朝所命好問金之臣子宜有內詞固不得而擅削之亦未可以足為咎也其選錄諸詩頗極精密實在宋末江湖諸派之上故卷末自題有若從華實評詩品未便吳儂得錦袍及北人不拾江西唾未要魯郎借齒牙句士禎亦深不滿之殆以門戶不同歟後附中州樂府一卷與此集皆毛晉所刊卷末各有晉跋稱初刻中州集佚其樂府後得陸深家所藏樂府乃足成之今考集中小傳皆兼評其樂府是樂府與中州集合為一編之明證今亦仍舊本錄之不別入詞曲類焉乾隆四十六年十月恭校上

總纂官臣紀昀臣陸錫熊臣孫士毅
總校官臣陸費曄

欽定四庫全書

中州集卷首

全元好問編

顯宗二首

賜石右相琚生日之壽
大定辛酉
承華殿書

黃閣今姚宋青宮舊綺園
綸歸里社冠蓋畫都門
善訓懷師席深仁寄壽尊
所期河潤溥餘福被元元

闕題

欽定四庫全書

中州集
卷首

心與寥寥太古通
手隨輕籟入天風
山長水濶無尋處
聲在亂雲空碧中

此詩山陽民家有上御書無篇題不知何人
作及見唐高駢賦風箏云夜靜絃聲響碧空
宮商信任往來風依稀似曲才堪聽又被移
將別調中乃知上所書蓋風箏詩而又次駢
韻者也姑存之以俟更考

章宗一首

雲龍川泰和殿五月牡丹

洛陽穀雨紅千葉
嶺外朱明玉一枝
地力發生雖有異
天公造物本無私

欽定四庫全書

中州集
卷首

中州集卷首

欽定四庫全書

中州集卷一

全元好問編

宇文太學虛中

五十首

虛中字叔通成都人宋黃門侍郎以奉使見留仕
為翰林學士承旨皇統初上京諸虜俘謀奉叔通
為帥奪兵仗南奔事覺繫詔獄諸貴先被叔通嘲
笑積不平必欲殺之乃鍛鍊所藏圖書為反具叔
通歎曰死自吾分至於國籍南來士大夫家例有
之喻如高侍制士談圖書尤多於我家豈亦反邪
有司承風旨并寘士談極刑人至今寃之

欽定四庫全書

中州集卷一

一

鄭下趙光道與余有十五年家世之舊守官代
郡之崞縣聞余以使事羈留平城與諸公相從
皆一時英彥遂以應舉自免去駕短轅下澤車
驅一僮二驢扶病以來相聚凡旬日而歸昔白
樂天與元微之偶相遇於夷陵峽口既而作詩

敘別雖憔悴哀傷感念存沒至歎泣不能自己

而終篇之意蓋亦自開慰況吾輩今日可無片

言以識一時之事邪因各題數句而余為之敘

夜將半各有酒所語不復鍛鍊要之皆肺腑中

流出也

光道名晦時為代州士曹善篆隸詩筆高雅有集傳河東今不復見矣

窮愁詩滿篋孤憤氣填胃脫身枳棘下顧我雪窖中竟
日朋盡替論文一樽同灑然南飛燕卻背北歸鴻人生

悲與樂倚伏如張弓莫言竟憤憤作書怨天公

欽定四庫全書

中州集卷一

二

古劍行

為劉善長作

公家祖皇提三尺素靈中斷開王迹自從武庫銜屋飛
化作文星照東壁夫君安得此龍泉秋水湛湛浮青天
雙魃奔喘禹強龍中夜躍出光蜿蜒挂頤樞具男兒飾
彈缺長歌氣填臆崎嶇折檻霽天威將軍拜伏姦臣泣
龍泉爾莫矜雄鋌不見烏盡良弓藏會當鑄汝為農器
一劍不如書數行

白菊

西風蕭颯百草黃南籬白菊占秋芳主人好事不專饗
擲送客館分幽香幽香清豔兩難得冰雪肌膚龍麝衰
悄然生我藥珠宮玉斧瑤姬皆舊識仙家莖菊名日精
我今號爾為月英月中風露秋夕好感此仙種來曾城
憑君傳與金天令月與霜姿駐清景重陽好伴白衣來
五柳先生憶三逕

還舍作

燕山歸來頭已白自笑客中仍作客此生悲歡不可料
欽定四庫全書

中州集
卷一

三

況復吾年過半百故人驚我酒尚狂為洗餅壘貯春色
酒闌人散月盈庭靜聽清渠流瀨瀨

庭下養三鴛鴦忽去不反戲為作詩

先生久忘機為爾虞增繳一朝長羽翮萬里翔寥廓誰
信惡溝鷗忽作華表鶴豈無三玉環遺音嗣黃雀

予寫金剛經與王正道正道與朱少章復以詩

來輒次二公韻

次正道韻

平生幸識繫珠衣窮走他鄉未得歸有客為傳祇樹法

此心使息漢陰機百千三昧一門入四十九年諸事非
寄與香山老居士要憑二義發餘輝

又 次少章韻

前世曾為粥飯僧此生隨處且騰騰經中因認人我相
教外都忘大小乘寫去欲云居士頌信來如續祖師燈
他年辱贈茅庵句誰謂因緣昔未曾

郊居

芒屨松冠野外衰茶鐺藥甕靜中忙含風行逆波紋展
欽定四庫全書

中州集
卷一

四

著雨花連土氣香傳策仰簷朝覓句披襟穿樹晚追涼
蓬蒿似欲荒三逕疎嬾誰知意更長

歲寒堂

洞戶延清吹庭除貯綠陰不隨風月媚肯受雪霜侵潤
入珠泉夾聲傳玉帳深主人留勝賞同此歲寒心

重陽旅中偶記二十年前二詩因而有作

舊日重陽厭旅裝而今身世更悲涼愁添白髮先春雪
淚著黃花助晚霜客館病餘紅日短家山信斷碧雲長

故人不恨村醪薄，乘興能來共一觴。

春日

北渚春事休嗟晚，三月尚寒花信風。
遙憶東吳此時節，滿江鴨綠弄殘紅。

己丑重陽在劍門梁山鋪

兩年重九皆羈旅，萬水千山厭遠遊。
白酒黃花聊度日，青萍綠綺共忘憂。
却憐風雨梁山路，不似草鱸楚澤秋。
何必東華是三迳，此身天地一虛舟。

欽定四庫全書

中州集

五

生日和甫同諸公載酒袖詩為禮感佩之餘以詩為謝

詞人詩句壓離騷，按膝長吟意自豪。
袖裏虹蜺衝霧色，筆端風雨駕雲濤。
將衰難稱千年祝，增重虛蒙隻字褒。
太史已應飛急奏，文星偏傍使星高。

和題稽古軒

堆架繅繻聚節居，眼前長物埽無餘。
避賢肯要鄰人卜，論友先尋上世書。
汲古不須憂鯁短，隨波聊復任舟虛。

勿欺文室饒容膝，六合神游有日車。

己酉歲書懷

去國慙慙遂隔年，公私無益兩茫然。
當時議論不能固，今日窮愁何足憐。
生死已從前世定，是非留與後人傳。
孤臣不為沈湘恨，悵望三韓別有天。

涇王許以酒餉龍溪老人，幾月不至，以詩促之。
龍溪別號也。

欽定四庫全書

中州集

六

先生寂寞草玄文，正要侯芭作富鄰。
客至但須樽有酒，日高不怕甌生塵。
急催嶺外傳梅使，來餉籬邊采菊人。
已埽明牕供點筆，為君擬賦洞庭春。

從人借琴

曙陽慣聽鳳雛鳴，瀉出冷然萬籟聲。
已厭笙簧非雅曲，幸從炊爨脫餘生。
昭文不鼓緣何意，靖節無絃且寄情。
乞與南窗因繫客，為君一奏變春榮。

過居庸關

奔峭從天折，懸流赴壑清。
路回穿石細，崖裂與藤爭。
花

已從南發人今又北行節旄都落盡奔走愧平生

晚宿耀武關

山與烟雲暝溪兼水雪流寒枝啼枯鞠場室聚咿嘸此
日征行困何時喪亂休尚矜爭席好無復舊鳴騶

安定道中

落日塵埃壯陰風天地昏牛羊爭隘道烏雀聚空村蹊
曳傷行役光華誤主恩未甘遲莫景伏櫪意猶存

上烏林天使三首

欽定四庫全書

中州集
卷一

七

平生隨牒浪推移只為生民不為私萬里羣興猶遠播
一身幽圉敢終辭魯人除館西河外漢使驅羊北海涓
不是故人高議切肯來軍府問鍾儀

又

拭玉轅門吐寸誠敢將驥頰沮天兵雷霆儻肯矜彫弊
草芥何須計死生定鼎未應周命改登壇合許趙人平
知君妙有經邦策存取感懷萬世名

又

當時初結兩朝歡曾見軍前捧血漿本為萬年依蔭厚

那知一日遽盟寒羊羣已作俘因獻魚漏終期網罟寬
幸有故人知底蘊下臣獲考敢謀安

姑蘇滕惇禮榜所居閣曰齋心成都守文某作
詩以廣其意

不是憑虛避世喧此中於物本無緣靜看畏影徒勞爾
題作齋心亦且然意識已隨言語斷生涯聊任歲時遷
老夫亦涉天游趣三復南華第四篇

欽定四庫全書

中州集
卷一

八

和高子文秋興二首

沙碧平猶漲霜紅粉已多駒年驚過隙影倏隨波散
步雙扶老棲身一養和羞看使者節甘荷牧人藁
和几名事見江湖散人
集扶老見歸去來辭
好問
按秦

又

搔落山城莫樓遲客館幽蓂衰前日雨菊老異鄉秋自
信浮沈數仍懷顧望愁蜀江歸棹在浩蕩逐春鷗

又和九日

又是年光短愁隨秋色來一持旌節出五見菊花開強
忍玄猿淚聊浮綠蟻杯不堪南向望故國又叢臺

中秋覓酒

今夜家家月臨筵照綺樓那知孤館客獨抱故鄉愁感
激時難遇誰吟意未休應分千斛酒來洗百年憂

四序回文十二首

春

短草鋪茸綠殘紅照雪穠暖輕還錦褥寒峭怯羅衣

欽定四庫全書

中州集
卷一

九

又

翠連水綻日香徑晚多花細筍抽蒲密長條舞柳斜

又

折花幽檻小傾酒綠杯深蝶舞輕風曉鶯啼老樹陰

夏

翠密圓牕竹青圓貼水荷睡多嫌晝永醒少得風和

又

草徑迷深綠蓮池浴膩紅早蟬鳴樹曲鮮鯉躍潭東

又

暴雨隨雲驟驚雷隱地平好風搖簾透輕汗挹水清

秋

晚日欣簾捲涼風覺袂搖遠吟高興遣長醉宿愁銷

又

短葦低殘雨虛舟帶晚潮斷鴻歸暗浦疎葉墮寒梢

又

感感蒼吟苦茫茫水驛孤日銜山色暮霜帶菊叢枯

欽定四庫全書

中州集
卷一

十

冬

鶴健呼風急烏啼促景殘窟深宜兔糞蒲折蔭魚寒

又

裂瓦寒霜重鋪牕月影清滅燈驚好夢孤枕念深情

又

秀柏留陰綠芳梅蘸影斜溜簷冰結玉裝樹雪飛花

燈碑五首

清陰霽霽匝城闌萬井熙熙桃杏春紫陌傳呼旌旆出

重臣新佩王麒麟

又

鉅軸天章拜異恩
驕驍花騎暎朝暉
手持禁鑰千門肅

官歷東宮二品尊

又

壘原清照白登山
彌隴連天麥浪寒
劍戟漸銷農器出
人家只識勸農官

又

欽定四庫全書

中州集
卷一

十一

九夏南風入舜琴
恩風澤雨決飛沈
陪京最是儀形地
先識君王解愠心

又

柝鼓無聲訟獄空
惟謠擊壤萬家同
時人共解班春意
兵寢刑清第一功

館中書事

雨來蒸鬱似江鄉
雨過西風特地涼
尚有庭花共客恨
可無尊酒慰幽芳

時習齋

未厭平生習氣濃
更將餘事訓兒童
魯論二萬三十字

悟入從初一句中

醉經齋

傍人但笑腹便便
枕藉詩書正晝眠
不識先生真悟處

未離文字已逃禪

醉墨齋

旋汲清泉起數紋
定知婁永是前身
箇中自可逃真性

欽定四庫全書

中州集
卷一

十二

不用淋漓汗葛巾

烏夜啼

汝琴莫作歸鳳鳴
汝曲莫裁白鶴怨
明珠破壁挂烏城
上有烏啼人不見
堂中蠟炬紅生花
門前紺幃七香車
博山夜長香燼冷
悠悠蕩子留倡家
妾機尚餘數梭錦
織恨傳情還未忍
城烏為我盡情啼
知道單棲淚盈枕

吳學士激
二十五首

激字彥高宋宰臣拭之子
王履道外孫而米芾元

章堦也工詩能文字畫得其婦翁筆意將命帥府

以知名留之仕為翰林待制出知深州到官三日

而卒有東山集十卷并樂府行于世東山其自號

也出散關詩云春風蜀棧青山盡曉日秦川綠樹

平愈甫素水墨以詩寄之云烟拂雲捎留淡白雲

蒸山腹出深青三衢夜泊云山侵平野高低樹水

接時空上下星太清宮云玉座烟霞春寂寂石壇

星斗夜蒼蒼呈正甫云手版西山聊復爾角巾東

欽定四庫全書

中州集

十三

第定何時遊南溪潭云竹院鳴鐘疑物外畫橋流

水似江南飛瀑巖云數樹殘花喜春在一聲啼鳥

覺山深詠鄭郎故伎云玉雪自知塵不浣丹青難

寫酒微醺送樂之侍郎云四海蒼生謝安石一言

宣室賈長沙送韓鳳閣使高麗云海東絕域皇華

使天上仙官碧落卿偶題云江湖歌枕夢風雪打

聽時此類甚多樂府夜寒茅店不成眠南朝千古

傷心事誰挽銀河等篇自當為國朝第一手而世

俗獨取春從天上來謂不用他韻風流子取對屬
之工豈真識之論哉

山中見桃花李花

錦里春風徧海棠別時無計奈紅芳山中桃李渾疑晚
猶有殘紅斷客腸

長安懷古

佳氣猶能想舊恩雲間雙闕峙蒼龍春風十里灞陵樹
曉月一聲長樂鐘小苑花開紅漠漠曲江波漲碧溶溶

欽定四庫全書

中州集

十四

眼前疊嶂青如畫借問南山共幾峰

宿湖城簿廳

日遲風暖燕飛飛古柳高槐面翠微卷上疎簾無一事
滿池春水照薔薇

窮巷

窮巷無來轍貧家有舊醅
明憐雪在睡美覺春回
菜甲方齊折梅花亦半開
茅簷鳴好鳥節物莫相催

偶成二首

一者瘦筍羽林槍松架陰陰盡日涼繞屋雲烟無定態
連山草木有真香

又

蟹湯免蓋闌旗槍風雨山中枕簟涼學道窮年何所得
只工掃地與焚香

病後寄閩甫

暗蛩咽幽響隙月漏微光溪上風雨過脩然有餘涼病
瘦鶴骨立低垂不能翔懷我中山兄聞經焚道香猿嘯

欽定四庫全書

中州集
卷一

十五

耿清夜鐘鳴悠夕陽商秋早晚至夢寐松楸蒼

過南湖偶成

香山松檜紫坡陀湖面無風亦自波綠鬢朱顏嗟老矣
落花啼鳥奈春何詩人未必皆憔悴世事從來有折磨
列坐流觴能幾日知誰對酒愛新鷺

夜汎渦河龍潭

輕舟弄素月靜夜橫清渦天風毛髮亂疎星燦明河圖
經記父老冥冥年歲多淵沈三千文湛碧寒無波微流

帶文藻絕岍無柔莎炯如帝鴻鏡可鑒不可磨中蟄至
神物役使羣蛟鼉蜿蜒頭角古勁鬣誰敢削深宮照珠
貝頗費蚌與螺何時葛陂竹化作陶公梭

秋興

後園雜樹入雲高萬里長風夜怒號憶向錢塘江上寺
松牕竹閣瞰秋清

晚春言懷寄燕中知舊

閒雲洩洩日暉暉林斧谿春響翠微天氣乍晴花滿樹
人家久住燕雙飛鄰村社後容借酒客舍新來未綻衣

欽定四庫全書

中州集
卷一

十六

憶東郊亭畔柳歸時相見亦依依

歲莫江南四憶

瘦梅如玉人一笑江南春照水影如許怕寒粧未勻花
中有仙骨物外見天真驛使無消息憶君清淚頻

又

天南家萬里江上橘千頭夢繞閭門迎霜飛震澤秋
深宜映屋香遠解隨舟懷袖何時獻庭闈底處愁

又

吳淞湖水平月上小舟橫旋斫四腮鱸未輪千里羹
蓼香不厭照著雪無聲幾見秋風起空悲白髮生

又

平生把鋸手遮日負垂竿浩渺渚田熟青燐漁火寒憶
看霜菊艷不放酒杯乾比老垂涎處糟膾箇箇圓

述懷

旅食空彈鉄歸休合挂冠烟塵榆塞遠風雨麥秋寒巢

欽定四庫全書

中州集

十七

燕長如客鳴蛙不屬官柴門江漲到落日下漁竿

喜晴和張魯瞻

原野悅新沐豐隆寧世情烏歸林靄暝樓射澗虹明春
草牛羊遠人家機杼鳴慘舒長有命誰復問陰晴

國公女生日席上命賦

雪射瑤堦月春回玉女扉雲中三秀草石上六銖衣酒
熟驚兒色身輕燕子飛客棹還汎斗誰解卜揲機

秋夜

豈有涓埃補域明強扶衰病厠豪英夜聽燈火青相對

晚鏡髭鬚白幾莖年去年來還似夢江南江北若為情
石田茅舍君家近借與林泉送此生

招趙資深拾遺

別久貌逾壯道同心更親移居近韋杜相對邀參辰雪
少似饒客烏喧知得春歸期淹幾日莫厭馬蹄頻

同兒曹賦蘆花

天接蒼蒼渚江涵杲杲花秋聲風似雨夜色月如沙澤

欽定四庫全書

中州集

十八

國幾千里漁村三兩家翻思杏園路鞭裊帽簷斜

張戡北騎

張生鞍馬客幽都却笑靈光筆法麤祇今白首風沙裏
憶向江南見畫圖

早春

寂寂重寂寂出門春草齊晚芳猶著樹江漲欲平溪山
暝有時雨村深何處雞遠山綠底恨故作傍人低

雞林書事

箕子朝鮮僻遠丘弱水寬儒風通百粵舊史記三韓邑
聚從衡接民居質朴安猶存古籩豆兼用漢衣冠免類
家工鱗鮓腥俗嗜餐騎兵腰玉具府衛挾金九長袖高
窺肉都場欽掛竿琴中蔡氏弄指下祝家彈主禮分庭
抗宿筵百拜難漬橙杭釀旨滋桂鹿脩乾潑墨松如拂
墮牆石似丹地偏先日出天迫衆山攢鵬翼雲帆遠羊
腸石磴盤由來異文軌休訝變暄寒事可資談柄誰能
記筆端聊將詩貌取歸作畫圖看

欽定四庫全書

中州集

十九

題宗之家初序瀟湘圖

江南春水碧於酒客子往來船是家忽見畫圖疑是夢
而今鞍馬老風沙

張祕書斛一十八首

斛字德容漁陽人仕宋為武陵守國初理索北歸
官祕書省著作郎有南湖北歸等詩行於世漁陽
有峒陽故詩中多及之如賦小孤山云天圍秋漲
閬山背夕陽孤岸樹晴猶濕汀烟近却無巫山對

月云雲開千里月風動一天星河池出郭云細草
沙邊樹疎烟嶺外村中江縣樓云綠漲他山雨青
浮近市烟中秋云月色四時好人心此夜偏松門
峽云春木有秀色野雲無俗姿賦禮部侍郎張浩
然遼海亭云晴光搖碧海遠色帶滄洲又賦臨漪
亭云雨聲喧莫島水色借秋空秋興樓云碣石晚
風催雁急昭和寒漲與雲平人多誦之予嘗見其
文筆字畫皆有前輩風調守文大學甚激賞之

欽定四庫全書

中州集

二十一

沙邊

晚雨漲平堤沙邊獨枝蓼長風催雁北衆水迴潮西楚
客相逢少吳天入望低故園無路到春草自萋萋

東川春日

巴蜀三年客江湖萬里情滄波何處盡歸棹幾時行世
態浮雲變春愁細草生羣山遮望眼片月上高城
巫山對月懷湖外親友

東壑斂新雨孤舟增暮寒巫山今夜月湘水幾人看不